


Cumün da Zernez



Ledscha d'energia

080.100

LEDSCHA D'ENERGIA DAL CUMÜN DA ZERNEZ

Ordinà oriundamaing basond sülla ledscha chantunala d'energia. Approvà oriundamaing da la radunanza cumünala da l'oriund Cumün da Zernez dals 30 avuost 2013.

Quista ledscha es gnüda revaisa ed adattada cul böt da schlargiar il perimeter da proget sün tuot las quatter fracziuns dal Cumün da Zernez.

Art. 1 Intent

Quista ledscha ha per mera la realisaziun dal plan d'acziun sviluppà i'l ram dal proget **ZERNEZ ENERGIA 2020** pel complet furnimaint dal Cumün da Zernez cun energia our d'aigna producziun d'energia neutrala CO2 sco eir la promoziun generala d'ün adöver d'energia ecologic ed insistent sül territori dal Cumün da Zernez.

Art. 2 Chomp da validità

Quista ledscha regla las activitats e las cumpetenzas dal cumün i'l ram da sia politica d'energia.

Art. 3 Disposiziuns d'execuziun, directives

La suprastanza cumünala relascha las disposiziuns d'execuziun, chi fan dabsögn per realisar quista ledscha. Ella po relaschar directives supplementaras.

Art. 4 Procuraziun da mezs

¹ La realisaziun dal plan d'acziun e'l sustegn d'ulteriuras masüras degnas da promover dal man public sco eir da personas giuridicas e natüralas vegnan sustgnüdas our d'ün fondo. Il fondo as ramassa tras l'import annual da minimal 1.0 raps fin maximal 2.5 raps per ura kilowatt transportada tenor il contadur da forza installà, pajats dals consüments da forz'electricica sül territori dal Cumün da Zernez.

² Las modalitats d'inchasch e da pajamaint vegnan fixadas da la suprastanza cumünala illas disposiziuns d'execuziun resp. eir in l'ordinaziun da taxas cumünala.

³ Ils mezs our dal fondo sun liats per quist intent e nu pon gnir dovrats per oters intents.

Art. 5 Adöver dals mezs

Il cumün promuova cun la taxa progets, chi survegnan üna taxa da promoziun, basond sülla ledscha chantunala d'energia (BEG) e l'uorden chantunal d'energia (BEV), sco eir ils cuosts da proget seguond dumonda KTI e da quels progets chi correspuondan als plans dad **ZERNEZ ENERGIA 2020**.

Art. 6 Calculaziun

¹ La calculaziun dals imports per progets güstifichats as drizza tenor ils pussibels imports da promoziun dal chantun. Ils imports cumünals s'amuntan sün maximal 100% da l'import da promoziun chantunal.

² Ils imports impromiss pon eir surpassar ils mezs i'l fondo. Il proget **ZERNEZ ENERGIA 2020** vegn manà illa contabilità cumünala dal Cumün da Zernez sco conto da finanziaziun speciala.

Art. 7 Dret

Dret sün imports our dal fondo han be proprietarias e proprietaris sül territori dal Cumün da Zernez.

Art. 8 Dumondas da contribuziun

¹ Dumondas da contribuziuns per progets güstifichats sun dad inoltrar al cumün culla documainta correspondententa avant sco iniziar culs lavurs. Proceder e fuorma da las dumondas da contribuziun vegnan regladas illas disposiziuns d'execuziun.

² Cumainza ün proponent cul proget o fa el acquisti, avant chi'd es i ad el il decret da contribuziun, lura nu vegnan concessas ingünas contribuziuns.

Art. 9 Pajamaints da contribuziuns

Annullà.

Art. 10 Cuntravenziun

Cuntravenziuns cunter las prescripziuns da quista ledscha e cunter las disposiziuns d'execuziun sco eir l'alienaziun o l'obtenziun illegala da contribuziuns vegnan chastadas cun üna multa. Reguard il chasti, l'otezza da la multa sco eir il proceder vaglian las ordinaziuns illa ledscha chantunala davart la planisaziun dal territori, impustüt l'art. 95.

Art. 11 Controlla e surlavuraziun

Annullà.

Art. 12 Disposiziun transitoria

Annullà.

Art. 13 Entrada in vigur

Quista revisiun da la ledscha aintra in vigur süls 1. october 2023, cun l'approvaziun tras la cumünanza a l'urna. Ella rimplazza la ledscha actuala da fin qua.

Approvà da la cumünanza a l'urna dals 13 favrer 2022.

Cumün da Zernez

Il president cumünal:

DOMENIC TOUTSCH
Domenic Toutsch



Il chanzlist:

Corsin Scandella
Corsin Scandella